



Informacijski podsjetnik br. 34

Obaveza djece za izdržavanje roditelja kojima treba njega (Pomoć za njegu)

Ako troškovi njege premašuju dohodak osobe kojoj je potrebna njega, od Socijalne službe može dobiti takozvanu pomoć za njegu. Čim se Socijalna služba uključi u troškove za njegu ili ih preuzme, provjerava se jesu li djeca osobe kojoj je potrebna njega u stanju da učestvuju u troškovima (obavaza izdržavanja).

Djeca obavezna za izdržavanje roditelja, međutim, moraju u principu prvo osigurati izdržavanje svojih supružnika i maloljetne djece. Djeca do zaključno 21 godine koja žive u domaćinstvu i uključena su u opće školsko obrazovanje takođe imaju prednost (§ 1609 Građanskog zakonika u vezi s § 1603 stav 2 Građanskog zakonika). Obaveza izdržavanja roditelja kojima je potrebna njega prema tome dolazi tek onda u obzir kada nakon zadovoljenja potreba ovih članova porodice ostanu finansijska sredstva na raspolaganje, bez da se pri tome ugrozi potrebno izdržavanje članova porodice koji zahtijevaju izdržavanje.

Obaveze izdržavanja postoje samo u srodstvu u pravoj liniji, to su roditelji i djeca (§ 1601 Građanskog zakonika). U odnosu na zeta ili snahu postoji indirektan zahtjev za izdržavanjem. Njihov dohodak se samo posredno uzima u obzir prilikom izračunavanja prihoda porodice. Ova pravilo važi samo za vjenčane parove. Na partnere koji žive u životnoj zajednici se ne odnosi ova posredna obaveza izdržavanja.

Ako Socijalna služba odobri pomoć za njegu, **iznos novca potrebnog za vlastito izdržavanje** djeteta s vlastitim dohotkom obaveznog na izdržavanje roditelja iznosi:

1.800,- € mjesečno neto, kao minimalan iznos za pokrivanje vlastitih potreba.

U ovo je uračunata stanarina s režijama u iznosu od 480,- €. Ako je stvarna stanarina s režijama iznad ovog paušala, o tome treba obavijestiti Socijalnu službu, pošto taj veći trošak onda može smanjiti iznos obaveze izdržavanja.

+ 1.440,- € za bračnog para, uključujući 380,- € stanarine s režijama

+ pojedinačni iznos iz tzv. Düsseldorske tablice za svako dijete koje ima pravo na izdržavanje (ukupan iznos za izdržavanje punoljetnog djeteta s vlastitim domaćinstvom, npr. student, mjesečno 735,00 EUR).

+ 5 % bruto dohotka, kod samostalnog obavljanja djelatnosti 23,5% bruto dohotka, za dodatno penziono osiguranje u starosti.

Troškovi povezani s određenim zanimanjem moraju se odbiti, pri čemu se bez potvrde može procijeniti paušal od 5 % (min. 50 € i maks.150 € mjesečno) neto primanja. Prekoračuju li troškovi ovaj paušal, moraju se pojedinačno dokazati.

Osim toga se može zahtijevati priznavanje posebnih izdataka i drugih finansijskih opterećenja osoba koje imaju obavezu izdržavanja, kao npr. krediti, dugovi, dodatni troškovi uzrokovani bolešću, izdaci povezani sa zanimanjem. Ako dohodak premašuje izračunat iznos novca potrebnog za vlastito izdržavanje, od iznosa razlike se u pravilu zahtijeva 50 % kao iznos za izdržavanje.

Imovina

Djeca u osnovi moraju uložiti i svoju imovinu za izdržavanje roditelja. Prema zakonu nema tačno određenih granica imovine. Imovinu koja se mora uložiti socijalne službe izračunavaju uz uvažavanje individualnih okolnosti u pojedinačnom slučaju. Nekretnina u kojoj se živi se ne mora prodati ili se ne mora uložiti imovina uštedena za penziju u starosti ako je to primjereno.

Ušteden novac za sahranu takođe se u pravilu ne smije dirati.

Povrat poreza

Ko za svoje roditelje plaća izdržavanje, može u godišnjem obračunu poreza pod stavkom "vanredna opterećenja" zahtijevati povrat tih sredstava.

Zamjenjivost i srazmjernost

Socijalne službe provjeravaju da li se od samih osoba kojima treba njega ili osoba koje imaju obavezu izdržavanja može očekivati da opterete predmete imovine kao što je stambeno vlasništvo u kojem ne stajunu ili druge predmete, vrijednosti, očekivana nasljedstva ili prava. Ovdje vrijedi načelo srazmjernosti. Nikome se ne smije oduzeti osnova egzistencije ili mogućnost stvaranja egzistencije ili materijalno osiguranje za starost. Zato ovdje važe posebne granice iznosa novca potrebnog za izdržavanje i minimum iznosa oslobođenih poreza.

Ako Socijalna služba dođe do saznanja da osoba koja je obavezna na plaćanje izdržavanja to može osigurati, izdaje se pisani poziv za vršenje plaćanja. Na isti se može uložiti prigovor. Osim toga postoji mogućnost da se zahtijeva direktan razgovor u Socijalnoj službi ako postoje nejasnoće.

Rado će Vam dati savjet saradnici i saradnice Odjela za pružanje njege

Besplatni broj za pomoć: 0800 59 500 59

www.pflegestuetzpunkteberlin.de

Nosioci Odjela za pružanje njege su berlinski zavodi za njegu i Pokrajina Berlin